

Somali - Ruuxaani Dagaalka Hordhac Qorniinka - SW Intro Scriptures

LUUKOS 17:5 **Markaasay rasuulladii waxay Rabbiga ku yidhaahdeen,**
Rumaysad noo kordhi.

ROOMA 10:17 **Haddaba rumaysadku wuxuu ka yimaadaa maqlidda,**
maqlidduna waxay ku timaadaa ereyga Masiixa.

LUUKOS 11:1 **Meel buu ku tukanayay, oo goortuu dhammeeyey, mid xertiisa**
ka mid ah ayaa ku yidhi, Sayidow, na bar si loo tukado, sida Yooxanaa
xertiisa u baray.

1 TIMOTEYOS 2:1-4 **Sidaas daraaddeed ugu horraysta waxaan kugu**
waaninayaa inaad Ilaah u baridid, oo aad u tukatid, oo aad u ducaysid, oo
aad u mahadnaqdid dadka oo dhan, 2 khusuusan boqorrada iyo kuwa
amarka lehba, inaynu nolol xasilloon oo nabdaysan ku noolaanno, innagoo
si walba cibaado iyo maamuus u leh. 3 Taasu way wanaagsan tahay,
waana mid Ilaaha Badbaadiyheenna ahu aqbali karo.

4 Wuxuu doonayaa in dadka oo dhammu badbaado oo ay runta gartaan.

SEKARYAAH 3:1,2 **Oo wuxuu i tusay Yashuعا oo ah wadaadka sare oo hor**
taagan malaggii Rabbiga, iyo Shayddaan oo taagan gacantiisa midig si uu
u ashtakeeyo. 2 Markaas Rabbigu wuxuu Shayddaan ku yidhi,
Shayddaanow, Rabbigu ha ku canaanto, Rabbiga Yerusaalem doortay ha
ku canaanto. Sow kanu ma aha qori dab laga dhiftay?

EFESOS 6:12 **Waayo, innagu lama legdanno bini-aadan, laakiinse waxaynu la**
legdannaa kuwa madaxda ah iyo kuwa amarka leh iyo taliyayaasha dunida
gudcurka ah iyo ruuxyada sharka ah oo samooyinka ku jira.

EFESOS 6:10,11 **Ugu dambaysta waxaan idinku leeyahay, Ku xoogaysta**
Rabbiga iyo xoogga itaalkiisa. 11 Oo hubka Ilaah oo dhan qaata, si aad u
awooddaan inaad sirta Ibliiska hor istaagtaan.

EFESOS 6:13-17 **Haddaba sidaas daraaddeed hubka Ilaah qaata si aad u**
awooddaan inaad maalinta sharka iyaga is-hor taagtaan, oo markaad saas
oo dhan yeeshaan Aad awooddaan inaad istaagtaan. 14 Haddaba istaaga
idinkoo runta dhexda ku xidhan, oo laabtana laabdhawrka xaqnimada ku
xidhan, 15 oo cagahaha gashan isu-diyarinta injiilka nabadda, 16 oo
weliba waxaa kaloo Aad qaadataan gaashaanka rumaysadka, kaas oo Aad
ku awoodaysaan inaad ku wada demisaan kan sharka leh fallaadhihiisa
ololaya oo dhan. 17 Oo waxaad qaadataan koofiyada badbaadada iyo
seefta Ruuxa oo ah erayga Ilaah.

CIBRAANIYADA 4:12 **Waayo, hadalka Ilaah wuu nool yahay, waana**
shaqeeyaa, oo waa ka af badan yahay seef kasta oo laba af leh, isagoo ka
dhex dusaya ilaa kala soocniinta nafta iyo ruuxa, iyo xubnaha iyo
dhuuxaba, waana kala gartaa fikirrada iyo waxyaalaha qalbiga ku jira.

LUUKOS 4:8 **Markaasaa Ciise u jawaabay oo ku yidhi, Waa qoran tahay, Waa**

inaad caabuddo Rabbiga Ilaahaaga ah oo waa inaad isagoo keliya u adeegto.

EFESOS 6:18 Mar kasta Ilaah wax kaga barya Ruuxa baryo iyo duco kastaba, oo taas ku dhawra adkaysasho oo dhan iyo u-ducaynta quduusiinta oo dhan.

1 SAMUU'EEL KOWAA 17:45-47 Markaasuu Daa'uud kii reer Falastiin ku yidhi, Adigu waxaad ii soo qaadatay seef iyo waran iyo hoto; aniguse waxaan kuula imid magaca Rabbiga ciidammada, kaasoo ah Ilaaha ciidammada reer binu Israa'iil ee aad caraysiisay. 46 Maanta Rabbigu gacantayduu ii soo kaa gelin doonaa; waanan ku dili doonaa, oo madaxaanan kaa gooyn doonaa; oo maanta meydka reer Falastiin ciidankooda waxaan siin doonaa haadka hawada, iyo dugaagga dhulka, si dunida oo dhammu ay u ogaato in Ilaah ku dhex jiro reer binu Israa'iil; 47 iyo si uu shirkan oo dhammu u ogaado inaan Rabbigu wax ku badbaadin seef iyo waran; waayo, dagaalka Rabbigaa leh, oo gacantayaduu idinku soo ridi doonaa.

LUUKOS 10:17-20 Toddobaatankii farxad ayay la soo noqdeen, iyagoo leh, Sayidow, xataa jinniyadu magacaaga ayay nooga dambeeyaan. 18 Markaasuu wuxuu ku yidhi, Wuxaan arkay Shayddaankoo sida hillaac samada uga soo dhacaya. 19 Bal ogaada, waxaan idin siiyey amar aad kula tumataan abeesooyin iyo dabaqalloocy iyo xoogga oo dhan ee cadowga; innaba waxba idinma yeeli doono. 20 Laakiin tan ha ku farxina in jinniyadu ay idinka dambeeyaan, laakiin ku farxa in magacyadiinnu ay jannada ku qoran yihiin.

2 KORINTOS 10:3-5 Maxaa yeelay, in kastoo aannu jidhka ku soconno, sida jidhka uma dagaallanno, 4 waayo, hubka dagaalkayagu ma aha xagga jidhka, laakiin xoog bay leeyihiiin Ilaah hortiisa in qalcado lagu dumyo. 5 Wuxaan baabbi'innaa murannada, iyo wax kasta oo sarreeya oo aqoonta Ilaah iska sarraysiya, oo fikir kasta maxbuus baannu ka dhignaa, si uu Masiix u addeeco,

2 TIMOTEYOS 1:7 Waayo, Ilaah inama uu siin ruuxa cabsida, laakiinse wuxuu ina siiyey ruuxa xoogga iyo jacaylka iyo miyirka.

MATAYOS 12:28,29 Laakiin haddaan jinniyada ku saaro Ruuxa Ilaah, waxaa idin timid boqortooyada Ilaah. 29 Ama qof sidee buu kan xoog leh gurigiisa u geli karaa oo alaabtiisa u dhici karaa, haddaanu kolkii hore kan xoogga leh xidhin? Markaasuu gurigiisa dhici doonaa.

EFESOS 1:13 Oo weliba idinku isagaad ku maqasheen ereyga runta ah, kaas oo ah injiilka badbaadadiinna, oo weliba idinku markii aad rumaysateen ayaa laydinku shaabadeeyey Ruuxa Quduuska ah oo uu ballanqaaday,

FALIMAH RASUUL 19:6 Markii Bawlos gacmaha dul saarayna ayaa Ruuxa Quduuska ahu ku soo degay iyagii; markaasay afaf kale ku hadleen oo ay wax sii sheegeen;

MARKOS 16:15-18 Markaasuu wuxuu iyaga ku yidhi, Dunida oo dhan taga, oo

uunka oo dhan injiilka ku wacdiya. 16 Kii rumaysta oo la baabtiiso waa badbaadi doonaa, laakiin kii aan rumaysanin waa la xukumi doonaa. 17 Calaamooyinkanna ayaa la socon doona kuwa rumaysta. Magacayga ayay jinniyo ku saari doonaan, afaf cucusubna ayay ku hadli doonaan, 18 abeesooyin ayay qaadi doonaan, oo hadday cabbaan wax lagu dhimanayo waxba ma yeeli doono, gacmo ayay kuwii buka dul saari doonaan, wayna bogsan doonaan.

1 YOOXANAA 1:9 Haddaynu dembiyadeenna qiranno, isagu waa aamin iyo caaddil inuu dembiyadeenna inaga cifiyo, oo uu inaga nadiifiyo xaqdarrada oo dhan.

BAXNIINTII 20:5 Waa inaanad iyaga u sujuudin, ama u adeegin, waayo, aniga oo ah Rabbiga Ilaahaaga ah waxaan ahay Ilaah masayr ah, oo xumaantii awowayaasha waxaan soo gaadhsiinayaa carruurtooda tan iyo farcanka saddexaad iyo kan afraad oo kuwa i neceb,

SABUURRADII 109:17 Wuxuu jeclaaday habaaridda, markaasaa habaar ku soo degay, Ducaynta kuma farxin, ducona way ka sii fogaatay isaga.

XAAKINNADA 16:16 Oo markay maalin walba hadalkeedii ku sii cadaadisay, oo ay ku adkaysay, ayaa naftiisii cidhiidhi gashay ilaa dhimasho.

EFESOS 4:26 Haddaad cadhootaan, ha dembaabina. Qorraxdu yay idinka dhicin idinkoo cadhaysan.

ROOMA 14:12 Sidaasaa midkeen kastaba Ilaah ula xisaabtami doonaa.

1 YOOXANAA 2:23 Ku alla kii Wiilka inkiraa, ma leh Aabbaha; laakiin kan Wiilka qirtaa Aabbuhuu leeyahay.

YOOXANAA 14:6 Markaasaa Ciise wuxuu Toomas ku yidhi, Anigu waxaan ahay jidka iyo runta iyo nolosha. Ninna Aabbaha uma yimaado, xaggayguu ku yimaado maahee.

MATAYOS 11:28-30 Li kaalaya kulligiin kuwiinna hawshaysan oo culaabaysanow, oo anigu waan idin nasin doonaa. 29 Harqoodkayga dushiinna ku qaata oo wax iga barta; waayo, waan qaboobahay, qalbigayguna waa hooseeyaa, oo naftiinna nasashaad u heli doontaan. 30 Waayo, harqoodkaygu waa dhib yar yahay, oo rarkayguna waa fudud yahay.

2 KORINTOS 6:2 waayo, wuxuu leeyahay, Wakhti la aqbalay ayaan ku dhegaystay, Oo maalintii badbaadintana ayaan ku caawiyey. Bal eeg, hadda waa wakhtigii la aqbalay; bal eeg, hadda waa maalintii badbaadinta.

ROOMA 10:13 Waayo, ku alla kii magaca Rabbiga ku baryaa, waa badbaadi doonaa.